



partii naleraq

UPA2017/25

Apriliip 21-t 2017

Immikkoortup 25 siullermeerneqarnera:

Uunga siunnersuut: Sullivinni avatangiisinut suliassa qarfiup ilaata, nunami sullivinni

avatangiisinut tunngasup, Namminersorlutik Oqartussanit tiguneqarnissaanik

Inatsisartut aalajangiiffigisassaattut siunnersuut

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu

allanut Naalakkersuisoq)

Nunamut Naalagaaffinngoriartortumut naapertuulluinnarpoq namminerisamik aqutsinermi akisussaaffimmik annertusaanissaq, ilaatigummi aamma taamaasiernerup kingunerisussaavaa nammineq nunami qaammasat misilittakkallu annertusarneqarnissaat, aammalu nunani allani suleqateqarniarnermi toqqaannaq aalajangersaaqataasinnaalernissaq pisarissersuutiginaq, soorlu ajoraluartumik suli sorpassuartigut taamaattugut, nunamut allanut aperiar-toqqaartarluni, taamaattumik uagut Partii Naleqqamiit tunngaviatigut piginnaasanik nunatsinni annertusaanerput tapersornarteqaarput.

Allaallumi aperisariaqaraluarpu-gulluunniit suunuku nunarsuarmioqatigiinni inatsisit tunngavigalugit akisussaaffiiangaasimalluni, akisussaaffinnik nammineq ingerlatsilernissaq aporfissalersorneqartartoo? Aamma nammineq kulturikkut inoqassutitsitigullu naapertuuttumik aqutseriaaseqalernissamik ujartuunitsinnut naapertuuttorujussuuvoq. Akisussaaffinnik annertusaaneq ineriartusooq, qaammaasaqarneruleriartussugut.

Taamammallu siunnerfeqarneq uagut anersaatsinnut naapertuuttut isigingatsigu una Suliassa qarfiup sullivinni avatangiisinut tunngasup akisussaaffigilernissaa ippinnaateqartinngilluinnarparput, taperserlugulu.

Taamatut oqaaseqarluta immikkoortup aappassaaneer-neqannginnerani ataatsimiititaliami suliarineqarnissaa innersuussutigaa-
rput.

Qujanaq

Per Rosing-Petersen